

խեղճի տունը հրդեհեցին եւ ինքը մեռաւ բանտի մէջ: Ես գիտեմ մի օրիորդ, որին խանի որդին դաշտումը հանդիպելով, ասել էր՝ «աղջիկ, ի՛նչ լաւ ես քո աչքերը»: Միւս օրը, երբ եկան Նոյն աղջկան տանելու խանի որդու համար, գտան երկու աչքով եւս կոյր: Օրիորդն ինքն էր կուրացրել իր աչքերը, գուցէ դրանով կարողանայ ազատել իր պատիւը: Իսկ այսպիսի օրիորդ եւ այնպիսի հայր շատ քիչ էին գտնուում. մեծ մասը ենթարկւում էր կատաղի բռնաբարութեան... Կորուստը մեծ էր, որովհետեւ մի անգամ մահմեդականի հարեմխանայում Ներս տարած հայ կնոջը էլ այնտեղից դուրս չէին թողնում: Խանը իր հաճութիւնը կատարելուց յետոյ ամուսնացնում էր Նրան իր սպասողներին մէկի հետ, ինչպէս նա իր հնացած հագուստը պարզելում էր այս եւ այն ծառային որպէս խալաթ:

Թէ բռնի եւ թէ կամաւոր կերպով, մի անգամ մահմեդականութիւն ընդունող մարդը, շարիաթի օրէնքով, կրկին վերադառնալ դէպի իր նախկին կրօնքը չէր կարող: Եթէ տղամարդ էր նա, ամէն մի մահմեդական Նրան հանդիպելիս, իրաւունք ուներ սպանելու, իսկ եթէ կին էր, պետք է դնէին Նրան բանտում եւ այնքան տանջէին, մինչեւ կրկին խոստովանուէր, թէ ընդունում է իսլամը:

Ղզըբաշ-թուրքերը ազգային գրականութիւն չունէին, բայց արաբական եւ պարսից դպրութիւնը շատ ծաղկած էր Նրանց մէջ: Գիւղերը եւ քաղաքները լիքն էին մզկիթներով, եւ իւրաքանչիւր մզկիթին կից կար մի վարժատուն: Բացի մօլլաներից, աշխարհական մարդը դասատուութիւն անելու իրաւունք չուներ. այս պատճառով ուսումը եւ դաստիարակութիւնը ժողովրդի մէջ ընդունել էր կրօնական բնաւորութիւն: Յին սերունդը մոլորած էր կրօնքի ֆանատիկոսութեան մէջ, այն կրօնքի, որ բացի իրանից չէր համբերում ուրիշ դաւանութիւններին: Նոր սերունդը ընթանում էր Նոյն ուղղութեամբ, որովհետեւ առաջնորդող անձիքը մօլլաներն էին: Այստեղից հասկանալի է թուրքերի եւ պարսիկների հալածասիրութիւնը այլադաւանների վերաբերութեամբ:

Հալածանքներին վիճակակից էին բացի հայերից եւ ասորիները, հրեաները եւ բոշաները:

Բացի մօլլաներից, կային եւ սէիդներ, Նրանք համարւում էին մեծ մարգարէի որդիներ: Ժողովրդի այս դատարկապորտ, ծոյլ եւ անգործ դասը ապրում էր տասնորդներով, որ ամէն մի մահմեդականի պարտաւորութիւնն էր վճարել Նրանց: Ոչ մի օրէնք չէր սահմանափակում Նրանց բռնութիւնները, որովհետեւ Նրանք օրէնք տողի-մուհամմեդի-անմեղանչական որդիքն էին: Ոչ միայն այլադաւանները, այլ իրանք մահմեդականները չափազանց Նեղո-